

鄭堂讀書記補逸卷十五

史部

地理類五邊防

東南防守利便三卷。芝園補錄初刻本。

宋吳若陳克同撰。若里貫未詳。結銜稱官左宣教郎。添差通判建康府。揭舉圩田。克亦里貫未詳。官右迪功郎。江南東路安撫使。司准備差遣。四庫全書存目。高宗時建陽呂安老。知建康府。每與若等共議東南防守之事。因令哀集漢魏以來方策所載山川險阻。道里遠近。軍馬屯戍之地。爭戰勝敗之事。類次爲是編。先東南利害總論。次爲建康根本論。江淮表裏論。江流上下論。各條舉其州郡而論列之。大略謂立國東南。當聯絡淮甸荆蜀之勢。使上下有備。表裏如一。庶進可以禦敵。退可以堅守。以成南北之勢。證據辨博。而所陳沿江一帶防戍道里。朗若列眉。非苟作者。當與同時李舜臣江東十鑑。陳武江東地利論相表裏。蓋專就南宋言者也。前載安老進書繳狀。此本又有明崇禎乙亥茅瑞徵重刊序。末有明吳岫識語。藝海珠塵中亦收入之。

北邊備對一卷。說海本。

宋程大昌撰。仕履見經部書類。四庫全書存目。是編乃其於紹熙間奉祠家居時所作。雖皆史傳所有。而條列古來塞外山川地里。反覆推言。以寓經略西北之意。凡二十一則。名備對者。因淳熙二年。

經筵進講禹貢孝宗問及塞外而未能詳對。至是追記之。故題是名。歷代小史亦收之。
海寇議一卷。借月山房彙鈔本。

明萬表撰。表字民望。鄞縣人。正德末武進士。歷官都督同知。僉事南京中軍都督府。四庫全書存目。明史藝文志作范表。前後海寇議三卷。此卷僅數頁。則其書三之一耳。明袁氏鑿金聲玉振集中亦載范表海寇議一卷。即此本。范乃萬字之誤。已見提要。民望本儒將。又家海上。時海寇出沒。深爲江浙患。民望洞悉情形。故爲此議。冀當事者之采聽。其推原禍本。在法禁極弛。姦民通番之故。言之至爲深切。奈何當時當事者。多尸居餘氣之輩。大聲疾呼。猶漠若聾聵也。其二卷佚之。亦殊可惜。
備倭圖記一卷。普祕笈本。

明卜大同撰。大同字吉夫。秀水人。嘉靖戊戌進士。官至福建巡海副使。四庫全書存目。作備倭記二卷。明史藝文志作備倭圖記四卷。此本爲陳眉公所刊作一卷。凡分置制。應作制置。方畫。將領。士卒。烽墩。險要。戰舸。邊儲。奏牘。九目。其併合與刊削。均未可知。然原書實有海圖。已經刪去。故雖名存而實亡矣。嘉靖中倭患頻仍。吉夫備兵福建。更番出巡。故輯是編。以爲章程。第其言之不詳。間引古事。亦屬空言耳。

籌海圖編十三卷。

明胡宗憲撰。宗憲字汝貞。號梅林。績溪人。嘉靖戊戌進士。官至兵部尚書。督師勦倭寇。以言官論劾。下獄。死。萬歷初。追復原官。謚襄愍。四庫全書著錄。明史藝文志亦載之。嘉靖中梅林節制七省。督勦倭

寇。運籌握勝。遂得芟刈諸兇。東南靜謐。乃與其幕中士鄭開陽若會等。總搜羣策。詮次是書。凡輿地全圖。沿海山沙圖一卷。王官使倭事略。入委針經附。倭國入貢事略。倭國事略一卷。倭國入寇圖附。廣東福建浙江直隸。即江南登萊沿海郡縣圖。倭變紀。兵防官考。兵制附。及事宜五卷。倭患總編。年表。寇蹤分合圖譜一卷。大捷考一卷。遇難殉節考一卷。經略三卷。前有凡例及參過圖籍。凡所搜討。幾及百種。編中於粵港礁洋之形。火攻水戰之具。訓練儲積之略。遣間用奇之祕。無不一一詳載。俱歸條理。至於採擇羣言。苟中肯綮。無分朝野。一披閱。如指諸掌。海防之書。莫備於此。大捷考中。敘其功績。雖出於一時諸人之手。而與明史紀傳悉合。是其德及一方。功施一時。亦大有不可泯沒者。非專以據著書自見於後世者也。原書刊於嘉靖壬戌。茅鹿門坤爲序。後版燬於火。天啓甲子。其曾孫維樞重梓此本。胡思仲又爲之序。

萬里海防圖說一卷。不分卷數。曹樂南藏明刊本。
明鄭若會撰。若會字伯魯。號開陽。崑山人。嘉靖初貢生。四庫全書存目。作二卷。明史藝文志同。初開陽在胡梅林幕府。嘗撰海防圖論一卷。梅林又名之爲海防一覽圖。然是草創未定之本。海外山沙。間有訛失。後乃增訂爲此本。凡爲圖六。論十五篇。起自嶺南。歷福建浙江南直隸山東。迄於遼左。凡八千五百餘里。計里辨方。悉加釐正。視舊稿一卷。明備多矣。前有嘉靖辛酉梅林及王道行二序。開陽亦有自序。是書曾載入籌海圖編。至國朝康熙中。其六世孫定遠。借舊稿一卷。刊入鄭開陽雜著中。四庫全書總著錄之。故此單行本。僅存其目云。

江南經略八卷 鄭氏重刊本。

亦鄭若曾撰。四庫全書著錄。明史藝文志亦載之。地理類。開陽既作萬里海防圖論。又與胡梅林撰籌海圖編。巡道王道行以其略於江防重務。乃屬令重述。以附於籌海編後。開陽因攜二子。應龍一鸞。分方祇役。更附往復。挈舟遊於三江五湖間。所至辨其道里通塞。錄而識之。形勢險阻。斥堠要津。令工圖之。并相度居民。諮詢父老。僻遠者移書往。亦得其概。凡越二載。始得略者以詳。訛者以信。成是書八卷。卷各分上下。凡圖一百八十五。論議考說記辨三百五十。有奇。而舉要之類不與焉。其於江南四郡十有八邑。水陸要害之處。設險防禦之宜。以及善後諸策。皆展卷瞭如。與前著諸書相表裏。蓋開陽在梅林幕。參贊軍政。故於捍禦倭患土寇之事。言之最詳。巡撫林潤又爲之評次。參訂序而梓之。時隆慶戊辰也。開陽亦有自序及凡例。又列監督刊板官員銜名。此本乃國朝康熙癸酉。其五世孫起泓以舊刻燬於明季。重加刊刻。故前又有起泓小引。

構李記一卷 鹽邑志林本。

明王樵撰。仕履見經部書類。按浙省志稱樵爲浙江按察副使。職兼治兵。西吳故鹽盜藪。樵練士厲兵嚴保伍之法。捕治劇賊。兼得宿豪名。猶罪遣之。此編凡二十一則。乃其所紀壁畫事宜。與志所言合。而於備倭尤三致意。其末二則於所歷地方風景亦間及之。時當萬曆甲申間也。

蠻司合志十五卷 西河合集本。

國朝毛奇齡撰。仕履見經部易類。四庫全書存目。是編乃其在明史館時所創土司傳之初藁。後編入集。以古無土司之名。悉謂之蠻。故目曰蠻司。其地踞湖廣貴州四川雲南兩廣六省。自來有大姓爲之領袖。明踵元舊事。而悉加建設。編中所紀明一代中沿革向背。大征大役。或得或失。見於史乘者。略輯其大。凡今明史所載土司傳十卷。較此爲尤詳焉。

防海備覽十卷 望山堂刊本。

國朝薛傳源撰。傳源字河明。號資塘。江陰人。是編成於乾隆癸丑。時屢有海寇竊發。資塘以名醫治已病。不如治未病。而生長海邦。習聞父老所言。明代近海生靈之荼毒。因刺取防海諸書之要。切於今時者。爲是書。詳於治本。略於言兵。凡分十目。各冠以會典所載諭旨。自序稱首陳要害。辨其地也。次及會哨。重其責也。次嚴私通。絕其原也。次及偵聞。解其黨也。次及艦械。備其具也。次及軍令。嚴其任也。次及訓練。習其人也。而於城堡。次之。禦守。又次之。以防海上策。須防之於海。防之於岸。則下策也。其書可謂斟酌詳善。本末兼賅。可資後來考證。李中者。兆洛序。稱其爲老成持重之見。尤非輕率好事。喜爲大言者比也。前又有凡例十一則。嘉慶辛酉始付之梓。距海氛平謐尙數年云。

海防集覽四卷 原寫本。

國朝褚華撰。華字秋夢。號文洲。上海人。廩生。是編成於乾隆乙卯。文洲家吾邑。去海五十里。而遙。時以海患未除。而以局外之人。參局中之見。取歷代及前明國朝諸人之著述。有切於海防者。哀爲一書。以備當事者之采擇。凡分集形勢。集攻戰。集守禦。集儲備。四門。門各一卷。自序謂此猶醫之方書。奕之成局。在爲將者神而明之。變而通之耳。文洲與薛資塘傳源同時。而著書各不相謀。各不相合。

鄭堂讀書記補逸 卷十五
而俱可以相濟於有成云。

4710

899
X
716

終

